



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU STRANKE EVROPSKE SOCIJALDEMOKRATIJE

Broj: 03-07-6-352/16  
Sarajevo, 16.06.2017. godine

## SADRŽAJ

MIŠLJENJE.....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE .....	6

## MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Stranke evropske socijaldemokratije za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu finansijskih izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2015. godinu, utvrđeno je da je Stranka evropske socijaldemokratije prekršila odredbe člana 11. i člana 12. Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na druge nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke evropske socijaldemokratije za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka evropske socijaldemokratije se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	1.460,00	64,60
3.	Prilozi pravnih lica ( 3-b )	800,00	35,40
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	0,00	0,00
8.	Prihodi od propagande ( 3-g )	0,00	0,00
9.	Ostali prihodi	0,00	0,00
<b>I</b>	<b>Ukupni prihodi (1-9)</b>	<b>2.260,00</b>	<b>100,00</b>
<b>II</b>	<b>Kreditno zaduženje kod banaka</b>	<b>0,00</b>	<b>0,00</b>
	<b>Izvori finansiranja (I+II)</b>	<b>2.260,00</b>	<b>100,00</b>

U godišnjem finansijskom izvještaju stranka je iskazala ukupne rashode u iznosu od 6.320,00 KM.

## 2. PREDSTAVLJANJE POLITIČKE STRANKE

Naziv političke stranke je Stranka evropske socijaldemokratije. Skraćeni naziv je SES.

Politička stranka je registrovana kod Općinskog suda u Sarajevu, Rješenjem broj: 065-0-F1-12-000010 od 12.04.2012. godine, pod nazivom Stranka za Evropsko Sarajevo, sa sjedištem u Sarajevu, ulica Azize Šaćirbegović br.122.

Na zahtjev političke stranke, izvršena je promjena njenog naziva, pa je Rješenjem Općinskog suda u Sarajevu, broj: 065-0-F1-15-000001 od 26.03.2015. godine stranka registrovana pod nazivom Stranka evropske socijaldemokratije.

Ovlašteno lice za zastupanje stranke je Omerbašić Esad, predsjednik.

Ovlašteno lice za podnošenje finansijskih izvještaja u 2015. godini je Agencija „APA“<sup>1</sup>.

Prema podacima iz godišnjeg finansijskog izvještaja za 2015. godinu, Stranka evropske socijaldemokratije nema niže nivoe organizovanja.

<sup>1</sup> Politička stranka je dostavila obavještenje dana 31.03.2016. godine, da je Agencija „APA“ otkazala knjigovodstvene usluge zaključno sa 31.12.2015. godine.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Stranke evropske socijaldemokratije za 2015. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Stranke evropske socijaldemokratije obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Stranke evropske socijaldemokratije za 2012., 2013. i 2014. godinu.

Nakon izvršenog pregleda godišnjeg finansijskog izvještaja za 2014. godinu, izdat je Izvještaj o pregledu sa mišljenjem revizora i preporukom stranci da donatorima, u skladu sa odredbom člana 6. stav (1) Pravilnika o godišnjim finansijskim izvještajima političkih stranaka, izdaje potvrde o prijemu dobrovoljnih priloga, da se ne finansira iz izvora koji su zabranjeni političkim strankama, da uspostavi potpune i tačne evidencije o svojim prihodima i rashodima, da finansijske izvještaje Centralnoj izbornoj komisiji Bosne i Hercegovine podnosi u skladu sa Zakonima iz njene nadležnosti i da poštuje limit na troškove izborne kampanje, utvrđen članom 15.10 stav (2) Izbornog zakona BiH.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2015. godinu, utvrđeno je da je Stranka evropske socijaldemokratije djelimično ispoštovala date preporuke.

### 5. NALAZI I PREPORUKE

#### 5.1. NALAZI

**Politička stranka nije postupila u skladu sa odredbama člana 11. i člana 12. stav (1)<sup>2</sup>, (3)<sup>3</sup> i (5)<sup>4</sup> Zakona o finansiranju političkih stranaka.**

- a) Na osnovu finansijskog izvještaja i finansijske dokumentacije koju je na zahtjev Centralne izborne komisije Bosne i Hercegovine dostavila politička stranka, utvrđeno je da politička stranka u poslovnim knjigama nije uspostavila evidenciju o dijelu rashoda koji se odnose na zakup poslovnog prostora i u obrascima 4. (rashodi političke stranke) i 4-1. (režijsko-administrativni i ostali troškovi) godišnjeg finansijskog izvještaja nije iskazala troškove zakupa

---

<sup>2</sup> Politička stranka vodi evidenciju o svojim prihodima i rashodima. Politička stranka je dužna da Centralnoj izbornoj komisiji BiH podnese finansijski izvještaj za svaku kalendarsku godinu.

<sup>3</sup> Do 31. marta naredne godine politička partija podnosi finansijski izvještaj u u formi koju odobri Centralna izborna komisija BiH („Službeni glasnik BiH“, broj: 95/12).

<sup>4</sup> Sva lica koja su dužna da podnesu izvještaj moraju podnijeti i dodatne izvještaje koje Centralna izborna komisija BiH zatraži („Službeni glasnik BiH“, broj: 41/16).

poslovnog prostora u iznosu od 600,00 KM<sup>5</sup>, čime je prekršila odredbe člana 11. i člana 12. stav (3) Zakona o finansiranju političkih stranaka.

- b) Na zahtjev Centralne izborne komisije BiH da dostavi dodatnu dokumentaciju, broj: 03-07-6-352-3/16 od 25.07.2016. godine, politička stranka nije dostavila validne izvode otvorenih stavki na dan 31.12.2015. godine<sup>6</sup> za dobavljače „Logosoft“ d.o.o. prema kome je iskazala obavezu u iznosu od 1.285,29 KM, AG Ahydron građenje d.o.o. prema kojoj je iskazala obaveze u iznosu od 2.650,00 KM i „Toplane“ D.D prema kojoj je iskazala obaveze u iznosu od 10.127,56 KM, čime je prekršila odredbe član 12. stav (5) Zakona o finansiranju političkih stranaka.

## 5.2. PREPORUKE

*Preporučuje se Stranci evropske socijaldemokratije da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da podnosi finansijski izvještaj u formi koju je odobrila Centralna izborna komisija BiH,*
- *da tačno vodi evidenciju o svojim rashodima i*
- *da podnosi i dodatne izvještaje koje Centralna izborna komisija BiH zatraži.*

### **Komentar:**

Stranka evropske socijaldemokratije se očitovala na Preliminarni izvještaj o pregledu godišnjeg finansijskog izvještaja za 2015. godinu te u skladu sa odredbom članom 14. stav (3) Zakona o finansiranju političkih stranaka, dobrovoljno otklonila nedostatke na obrascu 2. (pregled prometa transakcijskog računa), koji su navedeni u preliminarnom izvještaju, pri čemu je dostavila korigovani obrazac 2.

U skladu sa navedenim, Služba za reviziju je uvažila ispravku nedostataka u finansijskom izvještaju, te djelimično korigovala nalaze revizije.

Pomoćnik revizora

Mr. sc. Goran Cicović

Šef Službe za reviziju

Mr. sc. Hasida Gušić

<sup>5</sup> Račun AG „Ahydron građenje“ d.o.o Sarajevo broj: 005/15 od 28.04. 2017. godine na iznos od 600,00 KM.

<sup>6</sup> Politička stranka je dostavila izvode otvorenih stavki sa dobavljačem „Logosoft“ d.o.o Sarajevo na dan 05.09.2015. godine i sa dobavljačem „Toplane“ D.D Sarajevo na dan 05.09.2015. godine, koji nisu potvrđeni od strane pomenutih dobavljača, te se isti ne smatraju validnim knjigovodstvenim dokumentima za utvrđivanje obaveza na dan 31.12.2015. godine.